

A son trespassement & aps aduideret monst de beaups
miracles. Au sepulchre de la saite vierge fut apporte
Vng ieune home q si malade estoit de la pierre qui ses
amps nauoyent nulle esperace de sa vie. En grans
pleurs et douleurs se ameneret en reqrant laide de la
vierge bte tost aps leur oraison la pierre sen yssit & fut
aussi sai & ioyeux come sil nenst oncqs maladie. Vng
autre homme y vit qui doulētiers besongnoit au dimē
che. si sen pugnit nre seigneur/car il lui fist les mains si
cōtraictes quil ne pouoit besongner auy autres iours
il sen repentist & renonca au peche & vint au tombeau
de la vierge illec ploura beilla et ora deuotement/sen
demain il retourna tout sain louant nōstre seigneur et
la vierge. Apres le trespassement de la benoite vierge
madame sainte geneuiefue fut assignee Vne lanpe a
son sepulchre en laq̃lle suille sourdoit comme leaue en
la fontaine. Trois belles vertus y faisoit nōstre sei
gneur. car le feu y ardoit tousiours. & luylle point ne
appetissoit luylle les malades guerissoit. ainsi ouuroit
la vierge corporellement qui plus habondāmēt enure
es ames p ses merites espirituellement. Au sepulchre
de la vierge vint Vng home q de lōg tēps nauoit parle
ne deu Comme les clercz chāterent au commun de la
messe. *Illumina faciē tuā sup seruū tuū.* Cest a
dire sire dieu enlumine ta face sur ton seruiteur. Il
parla et ouyt par la grace de dieu. & de la vierge sainte
geneuiefue. Amen

Ly finist la vie madame sainte geneuiefue
et les miracles quelle faisoit.